



Attaveqarnermut, Avatangiisinut Aatsitassanullu Naalakkersuisoq
Landsstyremedlem for Infrastruktur, Miljø og Råstoffer

Inatsisartunut ilaasortaq Jens B. Frederiksen
-/Maani

Upernaviup eqqaani nunaqarfinnut oqarasuaatikkut attaveqarneq

Asasara Inatsisartunut ilaasortaq Jens B. Frederiksen.

28.01.2009

Aallarniutigalugu § 36, imm. 1 naapertorlugu Naalakkersuisunut apeqquteqaatit pillugu qutsavigaakkat. Apeqquteqarninni sumiiffimmi tassani nalunaarasuartaatikkut attaveqaqatigiinnermi pissusiviusut pillugit ilisimatitsissuteqarnissannut periarfissaqalerpunga.

Postboks 909
3900 Nuuk
Oq/tel +299 34 54 00
Fax +299 34 54 10
aan@gh.gl
www.nanoq.gl/aan

Suliaq misissuiffigaara, tassungalu ilanngullugu Tele Greenland pissutsit pillugit nassuiaateqaqqullugit qinnuigaara, pissutsillu soorunami aamma ajuusaarnartoqartippaat. Matuma kinguliani apeqqutitit aalajangersimasut akissuteqarfigissavakka.

1 *Sooruna ullut aqqaneq-marluk qaangiummata nunaqarfiit pineqartut aatsaat avammut attaveqaqqissinnaalersimasut? Naalakkersuisut matumuuna qinnuvigineqarput siuliap tamatuma taama kigaalaarunneqartigisimaneranut suna pissutaasimanersoq nassuiaqqullugu.*

Upernaviup nunaqarfiinut attaveqaatinut atortut tamarmik 2008-mi taarsorneqarput, tamatumani sumiiffimmi innuttaasut tamarmik sukkasuunik attaveqalernissaat siunertarineqarluni. Atortunik nutaanik atuilersoqartillugu piffissami ingerlatsiviusumi aallarnisarfiusumi misileraasoqaraluartoq akuttunngitsumik unittoortoqartarpoq, tamannalu aamma Upernaviup nunaqarfiinut oqarasuaatit attaveerunneranni misigineqarpoq. Matuma kinguliani decembarip ulluisa 13-anniit 25-annut pisimasut nassuiarneqassapput.

Arfininngornermi 13. december 2008-mi unnukkut Innaarsunnut, Tasiusamut, Nutaarmiunut, Nuussuarmut Kullorsuarmullu oqarasuaatit attaveeruttut nalunaarutigineqarpoq. Ajoqut SAHO-p aamma TUAQ-p akornanni attaveqaatiniittoq paasineqarpoq. Ullormi tassani kanalimut sillimmataasumut nuussilluni misiliisoqarpoq, iluatsinngitsumilli. Tamatuma kingorna qulimiguulik Air Greenland A/S-imut iniminernerneqarpoq, tassalu Upernavimmi teknikeri decembarip ulluisa 14-anni isorartussutsimi pineqartumi misissuisussanngorpoq.

Decembarip ulluisa 14-anniit 18-annut silarlunnera pissutigalugu ajoqummik paasiniaanissaq ajornarsimavoq, piffissamilu tassani teknikeri qulimiguulillu aallariataarnissamut piareersimatinneqarlutik salliusussanngortinneqarput. Tassalu aallariataarnissamut piareersimatinneqarnermi qulimiguulik suliassanut allanut sanilliullugu suliassamut tassunga salliutinneqartussaavoq, tassanili napparsimasunik angallassinissaq pineqanngilaq.

Tallimanngornermi decembarip ulluisa 19-anni qulimiguulik iluatsitsilluni SAHO-mut aamma TUAQ-mut apuuppoq. Modulit, kabelit, fiberkabelit optiskiusut, kiisalu atortuni illuatungiliuttuni kortit ajoquteqarsinnaasut sakkortusaavinni marluusuni taarsersorneqarput – iluatsinngitsumilli. Piffissaq kingusippallaalermat qulimiguulik Upernavimmut utertariaqalerpoq. TELE Greenland kingoraartissanik allanik piareersimatitsigaluarpoq, silarlunnerali pissutigalugu decembarip ulluisa 20-anniit 24-annut ajornarseqqippoq. TUAQ ajoquteqaqqilermat ajoqutaasoq tunisassiortup atortuiniissimassasoq inerniliisoqarpoq.

Decembarip ulluisa 25-anni teknikeri iluatsitsilluni sakkortusaavinnut marluusunut orniguteqqippoq. Taakkunani attaveqaatit atortutoqqanut suli atorsinnaasunut nuunneqarput, taamaalillunilu nunaqarfinnut attaveqaqqilerpoq. Atortut nutaat ajoqutaannik iluarsiniarluni maanna TELE-p tungaaniit sulisoqarpoq.

Matuma siuliani takuneqarsinnaasutut sila pissutaalluni qaqqat qaannut timmisartuussinissaq taamaallaat decembarip ulluisa 19-anni aamma 25-anni pisinnaasimavoq. Qaqqat qaanni sakkortusaaviit inissisimaffigisaanni (soorlu SAHO-mi 1020 m-imiittumi) sila Upernaviup silaanut naleqqiulluni allaanerujussuusinnaasarpoo. Aput, putsut pukkitsut minnerunngitsumillu ukiuunerani qaamanikinnera timmisartuussinissamut sunniuteqartarput. Kiisalu sakkortusaavinni qulimiguullit mittarfii miffissamilu qullit illoqarfinni nunaqarfinnilu, mittarfinni sulisunik piareersimasoqarfiusuni aputaajaasarnerup sermiiasarnerullu assinganik sularineqarsinnaanngillat. Timmisartortartoq kisimi isumannaassutsimik naliliisarnermi inaarutaasumik aalajangiisarpoq.

2. *Naalackersuisut isumaqarpat nunaqarfinni taakkunani oqarasuaatitigut attaveqaatit ullut aqqaneq marluk qaangiutereermata aatsaat iluarsivigineqarnerat Naalackersuisut naammaginatutut isigigaat?*

Naamik, Naalackersuisut isumaat malillugu pisimasut naammaginangitsorujussuupput. Pisut immikkut ittut assigiinngitsut nalaatsornikkut ataatsikkut pisimapput. Taamatut siunissami pisoqaqqinnginnissaa anguniarlugu Naalackersuisut maanna TELE Greenland A/S qanimut oqaloqatigaat.

- 2a *Tamanna naammaginatutut isigineqanngippat; siunissami taamatut pisoqartarnissaa pinaveersaarniarlugu Naalackersuisut sunik suliniuteqarniarlutik pilersaaruteqarpat?*

Apeqquut 2-mut akissut takuuk.

3 *Naalackersuisut takusinnaanerlugu taamatut attaveeruteqqanerup
nalaani inunnik naviarnartorsiormik nalaataqartoqarsimansoq?
Apeqqutip matumama akissuteqarfigineqarneranut atatillugu
Naalackersuisut qinnuvigineqassapput
tamatumata ataaveerunnerup assigisaanik pisoqartillugu
najugaqarfinni taamaattuni sillimaniarnikkut inissisimanernut
arlaatigut kinguneqartumik pisoqarsimansoq.*

Juullinngitsiartoq Kullorsuarmi meeraq napparsimasorujussuanngorsimasoq, aammalu Aasiaat Radioa aqutigalugu ikiortissarsiortoqartariaqarsimasoq Naalackersuisut ilisimavaat. Tamatumata kingorna meeraq qulimiguulimmik aaneqarpoq. Taassuma saniatigut Upernavimmi nunaqarfinnut oqarasuaatitigut attaveerunnermut atatillugu inunnik ulorianartorsiortoqarsimanageranik ilisimasaqanngillat.

Upernavimmi pisimasut tunngavigalugit Naalackersuisut TELE Greenland A/S qinnuiginiarfaat, upalungaarsimanagerup pitsanngortinneqarnissaa anguniarlugu pisariaqartunik iliuuseqaqqullugu.

Neriuppunga allakkatigut ukunuuna apeqqutigisatit naammaginarumik akisimassallugit, kisiannili taamaassimanngippat saaffiginneqqissinnaavutit.

Ikinngutinnersumik inuulluaqqusillunga

Kim Kielsen